

Transkription von Urkunde HAL 1387b

Ort, Datierung: Halle, 1387-05-27

Signatur: Universitäts- und Landesbibliothek Halle, Yla 23 180r [\[online\]](#)

Inhalt: Brüder Hinrik und Lambert van Alden bezeugen Hilfsgelöbnis zwischen Hennigh van Otternshusen und Siuerd van dem Bernebroke

We hinrik vnd lambert brodere geheten van alden hinrik van alden desses vorbenompden hinrikes sone / vnd luder van alden Bekennet vnd betuget an dessem openen breue vor allesweme dat we hebbet / gelouet vnd louet anguden truwen myt sameder hant hennynge van obbernshusen vnd(e) sinen rech/ten eruen vor Siuerde van dem bernebroke vnd sine eruen dat se en bynnen dessem negeste(n) iare / vnd dage na vtghifte desses breues schullet behulpe wesen vnd helpen dat en gelent werde tho / enem rechten lene de thegede to hagene myt alle siner tobehoringe van den here(n) dar he af to / lene gheit : were auer dat desses nicht en schude bynnen desser thid also vorgescruen is also dat / en de thegede nicht gelent worde : vnd we dar vm(m)e gemant worden van den van obbernhusen / eder ere(n) erue(n) eder de manynge van erer wegene kundiget worde van erer weg(en) an vnse wonynge / dar na bynnen den negesten ver weken na der manynge schulle we vnd willet en bereden / vertich mark vnd hundert mark lubesch beredinge also to luneborch ghinge vnd gheue is Eder / schullet en des behulpe wesen dat en desse vorbenompde tegede yo lent werde . Alle desse vor/benompden stucke loue we hinrik lambert hinrik vnd luder alle geheten van alden vornompd / dessem vorbenompden hennynge van obbernshus(e)n vnd sinen eruen anguden truwe(n) stede vnd(e) / vast to holende¹ ane allerleige list : vnd hebbet des to ener meren betughinge vnse Jngesegele / witliken an dessen Breff gehangen na godes bort dusent vnd drehundert jar dar na an dem / seuen vnd achtentigsten jare des dinxsedages an den pinxsten /

¹ Verschreibung: *holdende*